



Broj: 06-1-07-1-22/19
Sarajevo, 24.01.2019. godine

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), te člana 21. stav (3) tačka c) i člana 34. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18) Centralna izborna komisija Bosne i Hercegovine je na 9. sjednici, održanoj 24.01.2019. godine, donijela

ODLUKU

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Tuzlanskog kantona

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Tuzlanskog kantona, kako slijedi:

a) Kandidatske liste iz reda bošnjačkog naroda:

1. Kandidatska lista poslanika Skopljak Fahrudina dobila je 9 glasova - jedan (1) mandat,
2. Kandidatska lista političke stranke Pokret demokratske akcije dobila je 9 glasova - jedan (1) mandat,
3. Kandidatska lista političke stranke Socijaldemokratske partije BiH dobila je 11 glasova - jedan (1) mandat.

b) Kandidatska lista iz reda hrvatskog naroda:

1. Kandidatska lista poslanika Krešić Borisa dobila je 2 glasa - jedan (1) mandat.

c) Kandidatska lista iz reda srpskog naroda:

1. Kandidatska lista političke stranke Socijaldemokratske partije BiH dobila je 2 glasa – dva (2) mandata.

d) Kandidatska lista iz reda Ostalih:

1. Kandidatska lista poslanice Trepanić Mirele dobila je 2 glasa dva (2) mandata.

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Tuzlanskog kantona delegatima:

1. Skopljak Fahrudinu - Bošnjak
2. Alić Senadu - Bošnjak
3. Hadžić Dževadu - Bošnjak
4. Krešić Borisu - Hrvat
5. Ilić Slađanu - Srbin
6. Vujović Žarko - Srbin
7. Trepanić Mirela - Ostali
8. Imširović Sandra - Ostali

O b r a z l o ž e n j e

Skupština Tuzlanskog kantona dostavila je Centralnoj izbornoj komisiji Bosne i Hercegovine, dana 14.01.2019. godine, akt broj: 01-02-468-17/18 od 14.01.2019. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Tuzlanskog kantona, koji čine: Zapisnik o izvršenom žrijebanju kandidatskih listi, Izvještaj Komisije za izbor i imenovanja Skupštine Tuzlanskog kantona, listiće za žrijebanje redoslijeda kandidatskih listi, spisak poslanika koji su pristupili glasanju i glasačke listiće.

Članom 10.10. Izbornog zakona BiH propisano je da kantonalna zakonodavna tijela biraju 58 delegata u Dom naroda Parlamenta Federacije BiH, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Za Dom naroda Parlamenta Federacije BiH iz Tuzlanskog kantona, u skladu s članom 21. stav (3) tačka c) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine, bira se ukupno **osam (8)** delegata i to tri (3) iz reda bošnjačkog naroda, jedan (1) iz reda hrvatskog naroda, dva (2) iz reda srpskog naroda i dva (2) iz reda Ostalih.

Odredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

a) Kandidatske liste iz reda bošnjačkog naroda:

1. Kandidatska lista poslanika Skopljak Fahrudina dobila je 9 glasova,
2. Kandidatska lista političke stranke Pokret demokratske akcije dobila je 9 glasova,
3. Kandidatska lista političke stranke Socijaldemokratske partije BiH dobila je 11 glasova.

b) Kandidatska lista iz reda hrvatskog naroda:

1 Kandidatska lista poslanika Krešić Borisa dobila je 2 glasa.

c) Kandidatska lista iz reda srpskog naroda:

1. Kandidatska lista političke stranke Socijaldemokratske partije BiH dobila je 2 glasa.

d) Kandidatska lista iz reda Ostalih:

1. Kandidatska lista poslanice Trepanić Mirele dobila je 2 glasa.

Imajući u vidu da su ispunjeni svi zakonski uslovi za utvrđivanje rezultata izbora za delegate u Domu naroda Parlamenta Federacije Bosne i Hercegovine iz Skupštine Tuzlanskog kantona, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.



Dostaviti:

1. Skupština Tuzlanskog kantona,
2. a/a.